

中州集

二

中州乙集第二

祝太常簡 二十二首

張子羽 三首

朱諫議之才 二十七首

劉內翰著 二十四首

施內翰宜生 四首

朱葭州自牧 二十首

孫內翰九鼎 一首

劉修撰或 二首

趙內翰可 三首

劉西崑汲 十首

劉內翰瞻 三首

郝內翰侯 二十首

張郾城公藥 三首

任南麓詢 九首

馮臨海子翼 七首

史明府旭 三首

邊內翰元鼎 四十二首

李丞盲晏 七首

王都運寂 七首

蓮峯真逸喬宸 一首

祝太常簡

簡字廉夫單父人宋末登科國初倅某州仕至朝奉郎太常丞兼直史館有鳴鳴集行於世其詩說有云予政和丁酉任洛州教官是時括蒼鮑慎由欽止出所注杜詩說天王守太白守讀如狩於河陽之狩高秋登寒山南望馬邑州馬邑州在城州界予檢唐書志寶應元年徙馬邑州于鹽井城欽止爲有據矣舊注馬邑屬鴈門與杜子美作詩處全無關涉後人遂

謂王源叔謬於牽引不知源叔初不注杜詩予識其孫彥朝彥朝不說杜詩非其大父注蓋彥朝不學見流俗皆讀舊注因而認有可歎可歎好問常以此問趙禮部趙云廉夫前輩必不妄試更考之今日見吳彥高東山集有贈李東美詩引云元祐間秘閣校對黃本鄧忠臣字慎思余柳氏姨之夫今世所注杜工部詩乃慎思平生究竭心力而爲之者鏤板家標題遂以託名王源叔翰林兩王公前後記初無一語及此注而後記又言如源叔之能文止作記於後則源叔不注杜詩爲可見矣舉世雷同無爲辨之者宣和近貴李東美有才藻善行書且喜作小楷所寫杜集精密適麗有足嘉賞爲作古詩一篇帑尾因記鄧公事後人聞此其誰不疑然予少時目擊不可不識姑以告李侯非求信後人也彥高此說正與廉夫合近歲得浙本杜詩是源叔之孫祖寧所傳前有序引備言其大父源叔未嘗注杜詩廉夫彥高益可信故併記於此廉夫詩甚工如賦雪云雲屋無寒夢油燈有細香書懷云白髮渾無賴朱顏更不回遮眼細書聊引睡扶頭濁酒最關情此類甚多

舟次丹陽

船頭東下趁晨鍾
船外清霜氣暗通
斷鴈聲歸煙靄裏
孤帆影落月明中
隋河波浪千年急
梁苑池臺一旦空
試問碧堤無限柳
敗條衰葉幾秋風

下第魚臺東寺

病眼逢花亦倦開
流鶯飛去悞相猜
多情却愛僧堂燕
才得春風却再來

青奴

名實於人不可誣
爲牛我亦受人呼
世間物化多難曉
誰爲此君爲此奴

雜詩

雨後清寒滿袖風
鴈聲南去暮雲濃
秋來杞菊能多少
欲助盤餐自不供
榴花嬌欲鬪羅裙
石竹開成碎纈文
更有戎葵亦堪愛
日烘紅臉酒初醺

虛極齋獨坐

虛齋長鋏短燈檠
明月當窻夜氣清
却掩塵編時閉目
胡床獨坐聽秋聲

相國寺鍾

寒雞縮頸未鳴晨
已聽春容入夢頻
未必佛徒知警悟
祇能喚起利名人

春日

鶯語相喧浩蕩春
落花細點禁街塵
游絲飛絮狂隨馬
遲日和風欲醉人

夏雨

電掣雷轟雨覆盆晚來枕簟頗宜人小溝一夜水三尺便有蛙聲喧四鄰

和常祖命二首

著書不得自名家卷裏蠅頭散眼花未用一杯張翰酒正須七椀玉川茶
操筆文章學古風生平羞與腐儒同相如雖有凌雲賦不及東方射守宮

檢旱

草樹連雲綠間黃年飢村落自荒涼晚蟬抱樹聲聲急野菊迎人細細香

張子羽

子羽字叔翔東阿人馬定國薺堂集載其師友六人其一香巖可道上人
題比陽道邊僧舍云山頭翠色僧房靜山下紅塵客路長五月行人汗如
雨豈知高處有清涼其一鮮于可字東父蜀嘉州人從祖佚父之武皆有
名於時東父詩有小雨潤履綦花氣襲芳襟十里青山堪布屐半篙春水
已勝舟之句其一高鯤化字圖南平原人少有能詩聲如盤中酒影金蛇
活與流虹聚石砮之句皆奇怪不凡其一王景微字彥美祁國文獻公溥
之後贈定國詩云澗下松杉已蔽牛溪中蘋藻可供羞故鄉未有終焉計

欲指吳山歸去休其一吳縝字子長東平人文肅公奎之孫年三十以食
貧暫仕即歸隱于魚山狼溪之側寄定國云情馳夏日流目斷晚雲碧新
詩從何來遠自金馬客雄深作者意奔軼古人迹名高四海望髮未一莖
白應嗤窮途士抽簪老泉石采薇在南山驅牛向東陌勞生豈不苦衣食
迫晨夕膏粱無宿懷茅茨得真適卒歲將何求一飽惟力穡訪國城石氏
云昔我訪君處樹涼炎暑收今君訪我來城空殘雪留經時少乘興兩至
皆空投茅茨隔溪上車馬度城頭不聞機杼聲但聽溪水流向來方圓翁
曾伴此中遊近聞大梁至京塵滿衣裘相思懶歸步落日風颭颭山居云
西首魚山崦北連黃石祠崇岡在東南我家山北陞地僻少人事終朝掩
柴扉尊酒不常得書卷聊自怡春風數日來處處生蕨薇寸心復何累一
飽良可期當年終南人捷徑以貽譏知我無心者豈顧悠悠辭擬淵明貧
居云淒其歲云暮北風無時休晨興倦薪水夜寐乏衾裯缺月正裴回宿
鳥頻啁啾欲無憔悴歎奈此霜霰秋松楸脫兵火環堵且淹留閉門念袁
安守賤弔黔婁坐讀貧士詩吾乃淵明儔溪上招王仲先云幽居復何爲
冬來性成懶柴門俯清溪寸步出亦罕今晨偶携杖愛此晴日暖寓目隨

所之行到南溪畔背陰雪猶積向暖冰全泮
聲何從來乍喜兩耳換平分意甚遲斗落勢方悍
坐來百慮忘還惜日景短塵寰多憂虞中林足閑散
故人戀明時歸休苦遲緩幅巾來何時臨流話幽歎
叔翔亦其一也定國謂叔翔於文章無所不能嘗仕國朝官洛陽云

游龍門訪潛溪僧舍

入谷訪精舍鍾聲先遠聞陽光時翳竹泉脉俄當門
山僧禁足久瞑目誦微言要知鹿臺寺但指山頭雲
策杖御枯西幽蘭秀荆榛風煙浩難及薄暮花紛紛

宿寶應

重品煙靄合寶閣春風暮山深月影遲坐久識歸路
伊昔府中彥征騷同夜駐徂年能幾時變滅等驚霧
禪房伴茗飲豈待酒中趣卧來清不寐瘦鶴警宿露
梨明覓舊題松間宛如故

又作已復等驚霧

壽張和滑益之

理髮秋庭趁夕陽靜中誰可共傳觴雲橫故國三年別
水遶孤村六月涼

病眼只貪書味永渴心頻夢橘奴香魚山早有終焉計少日應容解印章
朱諫議之才

之才字師美洛西三鄉人宋崇寧間登科入齊爲諫官坐直言黜爲泗水
令尋乞閑退寓居嶺陽因而家焉昆弟數人皆有文名師美自號慶霖居
士有霖堂集傳於世如云魯甸分鴻影齊山入馬蹄門靜堪羅雀書成不
換鵝雨過好花紅帶潤日長嘉樹綠移陰此類甚多子瀾字巨觀

南越行

南越太后邯鄲女皓齒明眸照蠻土珊瑚爲帳象作床錦繖高張擊銅鼓
太液池內紅芙蓉自怜謫墮蠻煙中灞陵故人杳無耗深宮獨看南飛鴻
隨兒作帝心不願惟願西朝栢梁殿茂陵劉郎亦可人遣郎海角來相見
金猊夜燎龍涎香明珠火齊爭煌煌番禺秦甸隔萬里今夕得遂雙鴛鴦
白首相君佩銀印干戈欲起蕭牆釁莫言女子無雄心置酒宮中潛結陣
漢家使者懦且柔纖手自欲操霜矛孤鸞竟落老梟手可怜空奮韓千秋
樓船戈鋌師四起或出桂陽下離水越郎追斬呂嘉頭九郡同歸漢天子
尉他墳草幾番青霸業猶與炎洲橫玉璽初從真定得黃屋却爲邯鄲傾

五羊江連湘浦竹嬌魂應伴相娘哭

後薄薄酒

薄酒可以謀醉不必霞滋玉味鹿布可以御冬不必狐貉蒙茸醜婦可以肥家不必楚女吳娃獨夫長夜商祚訖義和酒淫紊天曆李白跌宕三百五阮籍沈湎六十日眠瓮吏部寡廉恥解貂常侍隳法律儻使飲薄酒未見有此失秦昭狐腋幾喪首鄭藏鷁冠貽厥咎尤裘金玦豈不哀繡衣朱襪固無取皆緣鹿衣惡不御賈禍招譏亦何有夏姬滅兩國驪姬禍五世捧心顰眉亡夫差墮髭啼粧敗梁冀醜婦似可惡終不至顛沛勸君飲薄衣鹿娶醜婦此樂人間最長久

薄酒鹿衣吾何悲醜婦自醜吾不知道眼混圓宜不二媿惡妍陋無殊歸瓦壘石曰斟吾酒脫粟藜羹皆可口醉境陶然無後憂王盃浮蛆彼何有漢文天子猶弋絺士服鹿布乃所宜要繩屨葛同一煖霞縠冰紈徒爾爲無益如漆后齊桓孟光舉白配伯鸞古來傾城由哲婦有德乃令家國安我能遣婦縫鹿對婦飲薄傍人大笑吾不惡

寓言二首

獸有善觸邪草有能指佞獸草非有心不移本天性前王著臣冠俾爾効
端鯁如何不稱服觸指反忠正吾欲取二物豢植列臺省一令邪佞徒奔
逃亟深屏

風雨晦時夜雞鳴有常聲霜雪枯萬幹松柏有常青內守初已定外變終
難更若人求世利浮沉無定情俯仰効檠棹低昂甚權衡反出木鳥下徒
爲萬物靈

謝孫寺丞惠梅華

我來泗水上居與墟墓鄰彌望多棗栗凝眼昏荆榛忽忽度歲月不知時
已春朝來佳公子遺我梅花新秀色照牕几妙香襲衣巾莽如瓦礫場驚
賭瓊瑤珍念昔客江南千樹臨江津吳儂不知貴但與桃李倫自從隨東
土夢繞江之濱嘆彼和鼎實亦復生不辰窮愁坐空山豺虎雜鳳麟此贈
意不淺難爲俗子陳

次韻東坡跋周昉所畫欠申美人

巫峽昭君有奇色毛生欲畫無由得但作東風背面身看來已可傾人國
朝來睡起鬢髮垂手如春筍領螭蟻繡帷幽夢斷難續想像翠黛顰脩眉

春光三月濃於酒燕燕雙飛翼喚友不教膩臉露桃花且喜腰支似楊柳
君不見漢宮多病李夫人轉面不顧君王嗔古來盡工畫意亦自足煙霧
玉質何由真

暴雨

掣電奔雷晦靄間崩騰白雨襲人寒頽山黑霧傾濃墨倒海衝風瀉急湍
勢似陽侯夸海若聲如項籍破章邯炎歊一濯須臾耳已看天圍碧玉寬
宿閑廐

淡煙衰草慵回首晚日殘霞欲斷魂脫帽卸鞍投逆旅蕭蕭黃葉水邊村
十月十五日夜作連珠詩四首

披衣開戶幾宵興求夜無眠魂九升坐覺飛霜明瓦屋天如寒鑑月如冰
天如寒鑑月如冰僵卧家僮喚不應却憶少年遊太學蕭然獨對短檠燈
蕭然獨對短檠燈引睡翻書睡幾曾自笑年來憂患熟跣趺真作坐禪僧
跣趺真作坐禪僧不學窓間故紙蠅湛若琉璃含寶月此中無減亦無增
卧病有感二十韻

臯蘇粲園英澤芝紛水葉赤弁舞纖肌黃袍緩老頰鳴飛各有適吾獨嗟

衰蘭齒髮久已疎又復失調燮梁肉謝鼎俎參苓富巾篋葵扇風未來桃
笙汗初浹呻吟和哀蟬夢寐追化蝶撫枕念平生世故飽更涉弱齡負奇
志肯蜺蟠燁燁夜後傳崑訪朝待渭濱獵荀爽歲九遷康侯日三接功業
著鍾鼎聲名垂史謀那知事大謬舉趾得躓踣多難集暮年百願亡一愜
寒灰消寸心清淚腐雙睫坐令孤鵬騫化作瘴鴛鴦踟躕來復自慰人生幾
蕢莢呼吸過百歲俯仰失千劫乘流須縱櫂遇坎即停楫此語不成騷商
歌鼓長鈇

復用九日詩韻呈黃壽鵬

忽忽天星二十九當年曾醉瓊林酒

癸未歲登科弟適二十九年

春風射策紫垣深猶

記靈和殿前柳與君雖異千佛名出入南宮同戶牖春蠶食葉七千人看
君運筆如揮帚妙齡忠氣軼衡蒿餘子紛紛真培塿那知晚節岱陽城白
髮蒼顏兩閑叟君材有如萬斛舟顧我碌碌才簞斗時窮壯士或飯牛遇
合封侯起屠狗東臯有田供王賦天寒且輟扶犁手寂寥圭竇對書冊火
冷燈青夜方久先生乘興肯相過亦有青錢沽玉友

七夕長短言

牛不可以服箱女不可以成章其名則然實豈爾政如箕斗難挹揚河漢
特水象安有波浪爲津航惟鵲乃巢居詎能上天構橋梁星經有躔次東
西求相望今夕復何夕乃謂合并如鸞凰一人唱誕惑萬世浪令兒女爭
猖狂瓠牛載槃何等秩金梭擲地殊荒唐吾命有貴賤吾性本直方探官
與乞巧是豈吾所臧何如舉酒邀明月更遣清風屏炎熱星光落盞黃金
空露華綵袂真珠滑我方幕天席地醉兀兀癡牛騃女知何物

水月有興

明月落湖水天淵體俱一浩蕩碧琉璃奩此寒玉璧微風觸湖波合散作
六七浮光逐水紋金蛇勢盤詰人心湛寂初與月同清質外累一汨之萬
態紛殊迹因知養心者無爲風浪失

劉內翰著

著字鵬南舒州皖城人宣政末登進士弟歸朝預銓調碌碌州縣年六十
餘始入翰林充修撰出守武遂終于忻州刺史皖城有玉照鄉旣老號玉
照老人示不忘李云

次韻彥高即事

福威看九落筆削在麟經中道亡三鑑危時憶九齡網羅無處避羣敵不
堪聽身遠遼陽渡心懷峴首亭脫巾頭半白傾蓋眼誰青斷鴈西風急
然乎泗零

順安辭呈趙使君 二首

太平時世屢豐年勝事空聞父老傳郭外桑麻知幾頃船頭魚蟹不論錢
六朝興廢渡河年舊國歸來更黯然八月邊城山未雪蘆花藉藉已漫天
次韻王子慎玉田道中一首兼呈韓公美閣老

東晉風流屬子猷開元峭直讓韓休絲綸對掌驚三雋樽酒更酬失四愁
古道陰陰槐樹老歸鴻杳杳荻花秋浩然詩思天涯遠月滿江南小謝樓
出榆關

羽檄中原滿萍流四海閒少時過桂嶺壯歲出榆關奇禍心如折羈愁鬢
已斑楚纍千萬億知有幾人還

渡遼

身隔遼東渡心懷冀北群會歸蘇屬國却憶范將軍風陣橫秋鴈雷聲吼
夜蚊方言莫相笑唐梵本殊分

至日

亂離南國忽經年一線愁添未死前心折靈臺候雲物眼看東海變桑田
燕巢幕上終非計雉畜樊中政可憐安得絕雲行九萬却騎鯨背上青天

次韻彥高暮春書事

戊申歲

平生漫浪老清暉却掃丘園屬少微世亂傷心青眼舊天涯流汨白雲飛
羈愁只憶中山酒貧病長懸子夏衣澤畔行吟誰念我祇應形影自相依

寄題張浩然松雪樓

入座山光秀玉柯岸巾絕景意如何瘦來豈爲寒松句和寡還驚白雪歌
地近雲煙來鶴駕簷高星斗瀉銀河懸知老子登臨處渺渺滄波月色多

次韻彥高占雪

天秋鼓南風雲海飄暮雪三春猶泫寒九夏那苦熱土圭測中氣嘗聞先
儒說窮賤多異宜泥古誠亦拙吳侯擅六藝名宦端不屑晚歲登泰山蚤
已探禹穴千歲可坐致不待數旬月重陰畏坎陷五陽欣丈決君子方履
霜渠肯蹈覆轍雞猪與魚蒜幸可充朝餽

枕上言懷

九土將分裂中原政擾攘孰爲真漢相却憶假齊王晉室遷神鼎梁園作戰場可憐羈客夢夜夜在家鄉

再和彥高

否泰由來在歲星誰聽叩角作商聲一朝漢魏成今古百口燕秦隔死生雉堞僅能逃病婦鴈書猶記作團兄雪雲埋盡遼西路有酒如淮奈此情

聞鴈

千里寒雲卷朔風當軒月午鴈書空煩君爲報江南客顚顚遼東更向東

閨情二絕 巳酉歲

天邊北斗又回春愁絕龍沙任酒醺萬里巫山歸夢斷不知何處覓行雲蕙帳金爐冷篆煙故山春草幾芊芊只今唯有瀟湘月萬里相隨照不眠

過白溝趨順安

萬折狂瀾肯倒流歸心夢寐在東周平生快意君知否今日驅車過白溝

題御城寺壁

一徑埋雲草樹荒石麟蒼蘚卧田桑漢家陵闕今何在洛水嵩山滿夕陽

月夜泛舟

浮世渾如出岫雲南朝詞客北朝臣傳郵擾擾無虛日吏俗區區老却人
入眼青山看不厭傍船白鷺自相親舉杯更欲邀明月暫向堯封作逸民

病中寄楚卿

月滿江樓午夜鍾多情多病一衰翁行雲不道無行雨只恐相逢是夢中

送客亭

十年羈旅鬢成絲千里淮山信息稀送盡長亭短亭客且看莊鳥幾時歸
病中言懷呈韓給事

潦倒淮山客金臺五見秋退飛嗟宋鷁畏暑甚吳牛問疾怜摩詰分曹類
子猷自慚無補報只合隱林丘

伯堅惠新茶綠橘香味郁然便如一到江湖之上戲作小詩

建溪玉餅號無雙雙井爲奴日鑄降忽聽松風翻蟹眼却疑春雪落寒江
黃苞猶帶洞庭霜翠袖傳看綠葉香何待封題三百顆只今詩思滿江鄉

文季侍郎得綠萼香梅子文待制有詩輒亦同賦

一枝萼綠冠群芳瀟灑猶疑楚岸傍香骨瘦來冰蘂細夢魂清處月波涼
賡酬便合成千首醒醉寧須計百觴橫玉叫雲吹不盡只教今古洗離腸